

Enformaziuns y Comunicaziuns

Leturs: En dédemesaledema ai 19 de novëmber ales 8 da sëra è düc i leturs enviës a na encuntada te salf de calogna. Al gnarà baié dal sorvisc enstës, an se darà jö con le tema dles supliches y sambën arà incé i leturs la poscibilitè da porté domandes y minunghes.

Iolan: La Uniun de San Vinzenz i dij iolan ala dita Herbert Erlacher, ai dui ciafërs y a düc chi co è gnüs a ciarié sö y condü demez i sac dla Caritas. Iolan y Dio s'al päi.

Referat: Le KVW d'Al Plan enviëia al referat "Ierpejun, Testamont y Donaziun" con l'av. Manuela Obojes, en lönesc ai 17/11 ales 20:00, te salf dla Raiffeisen. Al gnarà enformé sön la gestiun dla ierpejun, les prescriziuns fiscales, les cultes y incé cö che an po scrì en testamont; laprò la desferonzia danter ierpejun y donaziun y les consequënzes.

Jogn: Le grup dai jogn d'Al Plan enviëia dötes les jones y i jogn ala cëna, co gnarà fata en vëndres ai 28 de novëmber fora Runch a Mantëna Todëscia - tla Hofschénke Lerchner. Enformaziuns y prenotaziuns pa Florian Frontull al 349/8880244 (por SMS da vigne ora y por telefonn dô les 17:00). Les prenotaziuns vën tutes sö cina ai 24/11.

Sciclub: Le Sciclub d'Al Plan enviëia an dé dla porta daverta, en sabeda ai 22 de novëmber dales 14:00 ales 17:00, tal Hotel Sport d'Al Plan. Tlò ciafarà düc i enteressës enformaziuns plü avisa por mëter man l'ativité pal Sciclub.

Biblioteca: Lieste incé tö ienn? Spo vî pa nosta "Knickerbockerbande", por mituns/jogn! I s'encuntun en vëndres ai 21 de novëmber ales 15:00 te biblioteca d'Al Plan. Tolete con te en liber co t'à plajü por ti al aconsié a tü compagns!

Prejentaziun: Zenzo Obwegs prejentëia söa CD nea "Tal sonn de mi orghi da man", te deplü stöes da paura dla Val Badia. Ara gnarà prejentada chisc dis y posc: 19/11 a San Martin - Ciastel de Tor; 23/11 a Corvara - tla Stöa dal Perla; ai 25/11 a La Val - Maier da Coz; 27/11 sön Badia - Sotciastel; 29/11 tlò Al Plan - Plazores; 30/11 sö La Ila - Picenin; 02/12 sön Badia - Lü da Sompunt; 04/12 ta Longiarü - Gstang; 10/12 sö Antermëia - Bagn Valdander y 13/12 ia Curt - Lü d'Ansele. Les prejentaziuns è dagnora ales 20:00. Entrada debann, mo al è da se prenoté al nr. 340/6217436 (do les 16:00).

Enformaziuns: Co funzionëia pa la cura y assistënza tla Ciasa de Palsa? Co è pa motüda adöm la reta che i berbesc y les mëdes paia? Respostes a cöstes y d'atres domandes ciafa familiars y porsones enteressades te na sëra d'enformaziun en vëndres ai 21/11 ales 19:00, tl'entrada dla sonta dla Ciasa de Palsa a San Martin.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dédemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o incé www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006



VAL BADIA

33. Domëgna dal ann liturgich A, ai 16.11.14 - nr. 51



T'es sté bun tal püch, i ô te sorandé deplü

Dal vangelo dô San Matio, 25, 14 - 30

¹⁹Dô cotan de tomp è le patrun gnü zoruch y orea fà cunt con sü sorvidus. ²⁰Danlò èl gnü chël, co à ciafé i cin' talënc, n'à porté cinch laprò y à dit: Signur, cin' talënc m'aste sorandé; ciara, i n'à davagné ciámó cinch laprò. ²¹So patrun ti à dit: Brao, bun sorvidü fedel! T'es sté en bun aministradù tal püch, i ô te sorandé deplü. Vî, tol pert ala ligrëza de to patrun! ²²Spo èl gnü le sorvidü, co à ciafé dui talënc, y à dit: Signur, te m'as dé dui talënc; ciara, i n'à ciámó davagné dui laprò. ²³So patrun ti à dit: Brao, bun sorvidü fedel! T'es sté en bun aministradù tal püch, i ô te sorandé deplü. Vî, tol pert ala ligrëza de to patrun! ²⁴Ennultima èl incé gnü le sorvidü co à ciafé en talënt su, y à dit: Signur, i sâ che t'es en ël rigoros; te sójeres olache te n'as nia somené, y te chëies adöm, olache te n'as nia stornü; ²⁵deach'i à tëma, ài ascognü to talënt te tera. Tlò l'aste endô. ²⁶So patrun ti à respognü: Tö slet sorvidü frat! **Parora dal Signur. - Lalt a té, Gejü Crist!**



**Chi co lascia dagnora
döt desché al è,
co n'è nia daveré
por na müdaziun,
co ne vaiga mai val' de nö,
co n'ô riscé nia,
co arata che ai ne
ti è pa ensciö nia...**

**...a chi pöl i sozeder che ai
sopelësci so talënt tan sot,
che ai ne le ciafa mai plü.**

S.Mësses y Funziuns dai 16 ai 23 de november 2014

Domëgna: 16.11: XXXIII. Domëgna: Caritas Sonntag

Oferta por i bojügns dla Ploania



9.30: Funziun dla domëgna: Corona

10.00: S.M. pro popolo por dōta la Ploania

Lön. 17.11: Feria dla 33. edema: Sa.Gertrud, Sa.Salome

7.30: S.M. por +nta Notburga Vollmann Obojes, Efun

S.M. por +nta Kosta Maria

S.M. por +nc' dla Fam. Rindler de Pal

Dédol. 18.11: Consacraziun dla basilica de S.Pire y S.Paul

Vijita te dlizia y Cortina

Dédem.19.11 Mem. de Sa.Elisabeta da Thüringen, S.Severin, Sa.Matilde

18.00: S.M. por +nta Maria Taibon, Mantëna

S.M. por Fam. Mossettich

S.M. por +nc' Comploi Canzio y Rita de Mano

Jöbia 20.11: Feria dla 33. edema: S.Bernhard, S.Corbinian, S.Edmund

Vijita te dlizia y cortina

Vëndr.21.11.: Memoria de Nostra Signora di Gerusalemme

7.10: S.M. por i scolari

S.M. ad int. por la Fam. Mutschlechner Hannes y Sieglinde

S.M. por +nt Tone Obwegs da Garsun

S.M. por +nta Linda Huber Kastlunger

S.M. por Les Püres Animes

15.00: Ora de adoraziun y oraziun

Sab. 22.11.: Sa.Maria in Sabato: Sa.Zezilia, S.Salvatur

17.00: Poscibilità da se pisié

18.00: S.M. por +nt Raimondo Dalla Santa

S.M. por Gertraud y Sonja Maneschg

S.M. por +nc' dla Fam.Miribung y Willeit, Cianacëi

S.M. por +nt Hans Palfrader de Fordi

Domëgna 23.11: Festa de Cristo Rë: Zeziliensonntag

Oferta por i bojügns dla Ploania

9.00: Proa dal Cor de Dlijia

10.00: S.M. solëne por dōta la Ploania

N.B.: Ultima domëgna dal Ann Liturgich

Al mët man l'Ann Liturgich "B" Vang. de San Merch



Na porsona con en cör bun y plën de speranza

jora, salta y se ralegrëia; al è lëde.

Deach'al po dé, ciafel; deache al à speranza, dàl amur.

San Francësch d'Assisi

LE SIGNUR MO DÀ

Le Signur mo dà le **ritm** por mio laür.

Tres endò mo scinchel **momoné de chît**, momoné olàche *i röii endò pa me enstës*.

A mia anima ti mëtäl dant imajes co m'ò tal zënter y *mo fej sté sauri*.

Gonot l'àscel che val'mo garetës sonza fadía y iu enstës mo feji morvëia tan plëgn de **fidonza** ch'i sun bon da èster.

I ô mo recordé:

Canche i mo lasci sön le Signur, romagn mio cör en **pësc**.

Ince sce i à massa laür, n'ài empò no nia bria de perde la calma.

Gonot- amesa la confujiun- mo mënäl en avenimont co m'implësc de **coraje**.

Al è desco al mo sporjess val'de frësch y iu po sontí pësc y *i mo sonti porté*.

I sonti desco mia **forza** crësc,

çi **armonia** ch'al è te me

y desco *le laür da vignedé mo garetä*.

Y spo, al è tan bel da savëi,

ch'i sun sön les pedies de mio Signur

y ch'i sun šëgn y dagnora da ciasa pa d'Ël.

do le Salm 23

Toki Miyaschina

"Dëidete enstës, spo te dëida Chëlbeldio" :

chël co se mët enstës sön tru po conté sön l'acompagnamont y l'aiüt dla familia y dai compagns.

COMUNICAZIUN:

La Unité Pastorala Val Badia enviëia leturies y leturs a na formaziun con siur Ulrich Fistill, en jöbia ai 20 de novëmber ales 8 da sëra, te salf de calogna d'La Ila. Ara nen jarà dla "vocaziun" dai leturs, dla Parora de Dio, de de vigne sort de domandes. Che co foss enterescës, dess prëibel s'anunzié anter i 19 pa Pablo al 333/4762010.

TIM & LAURA www.WAGHUBINGER.de



Sorvisc dai Ministróné

Lönesc 17/11 (07:30h), Dédemesalëdema 19/11 (18:00h), Vëndres 21/11

(07:10h): Marco Vavrek, Simon Comploi;

Sabeda 22/11 (18:00h): Lara Ploner, Esther Comploi, Alice Daverda, Elisa

Coppola, Anna Chierchia, Max Maneschg;

Domëgna 23/11 (10:00h): Anna, Jan, Gabriel y Max Trebo, Matio y Julia

Erlacher;

